



ՄԱՆԿԱԿԱՆԺԱԿԱՆ ՀԱՄԱԼՍԱՐԱՆ

30 ՀՈՒՆԻՍԻ
2023 թ.
№ 9 (1107)

Թերթի առաջին համարը լույս է տեսել 1965 թ. մարտի 11-ին
Երկշաբաթաթերթ • Իրատարակման 57-րդ տարի

ԽԱՂԱՏՈՒՐ ԱՐՈՎՅԱՆԻ ԱՆՎԱՆ ՀԱՅԿԱԿԱՆ ՊԵՏԱԿԱՆ ՄԱՆԿԱԿԱՆՔԱԿԱՆ ՀԱՄԱԼՍԱՐԱՆԻ ՊԱՇՏՈՆԱԹԵՐԹ

Մաղթում ենք հաջողություններ և նվիրում ուսուցչի կոչմանն ու առաքելությանը



Պատմության և հասարակագիտության ֆակուլտետ



Կուլտուրայի ֆակուլտետ

Պատմության և հասարակագիտության ֆակուլտետի տոնակահարներն ձևավորված սրահում ֆակուլտետի ղեկավարները հանդիսավորությամբ դիպլոմներ հանձնեցին բակալավ-րիատի և մագիստրատուրայի առկա և հեռակա համակարգի շրջանավարտներին: Այս տարի ֆակուլտետն ավարտում է 86 շրջանավարտ, որից 28-ը՝ գերազանցությամբ:

Դեկան Էդգար Յովհաննիսյանը շնորհավորեց նրանց՝ մաղթելով, որ ստացած գիտելիքները ծառայեցնեն իրենց, իրենց ընտանիքներին ու պետականությանը, և «գիտելիքներով գինված՝ կարողանան ազգային կրթության հիմքերը դարձնել ավելի ամուր և նպատակային»:

«Եթե ուզում ենք ունենալ ուժեղ պետություն, նախառաջ պետք է ունենանք ուժեղ և ազգային կրթական հա-

մակարգ: Իսկ այդ առաքելությունը վերապահված է հենց ձեզ», - ընդգծեց դեկանը:

Դեկանը մաղթեց, որ շրջանավարտները չդադարեն երազել, երազեն Արարատն ու Շուշին վերադարձնելու մասին, իսկ երազանքները կարող են իրականացնել ուժեղ կրթականակարգի և ուժեղ պետության պայմաններում:

Շրջանավարտներին շնորհավորանքի խոսքեր հղեցին քննական հանձնաժողովների նախագահները և ամբիոնների վարիչները:

Պատմության և հասարակագիտության ամփոփիչ ատեստավորման հանձնաժողովի նախագահ, Մատենադարանի գիտական քարտուղար Վահե Թորոսյանն այս ֆակուլտետի շրջանավարտ է: Իր համար նա պատիվ է համարում նոր կարգավիճակում >2

Յունիսի 28-ին Կուլտուրայի ֆակուլտետը մի նոր սերունդ ճանապարհեց դեպի կյանք՝ մասնագիտական գիտելիքներով, հմտություններով ու կարողություններով: Դիպլոմների հանձնման երկար սպասված արարողությունն է: Շրջանավարտները ուրախ են ու երջանիկ, նաև հուզված, որովհետև կյանքի մի կարևոր փուլն ավարտեցին, պետք է անեն հաջորդ քայլերը՝ հստակ ու հաստատուն...

Ֆակուլտետն առանձնանում է մշակութային ուղղվածությամբ, այստեղ սովորում են ապագա լրագրողները, ռեժիսորները, օպերատորները, լուսանկարիչները, դերասանները, պարուսույցները...

«Պարավետի մանկավարժություն» մասնագիտության սույն ուսուցման բակալավրիատի շրջանավարտ Սիլվա Մելքոնյանը կիսում է մեզ հետ իր զգացողությունները: «Ֆակուլտետը միանշանակ մեզ տվեց շատ մեծ փորձառություն, լավ պրակտիկա անցանք, մեզ հետ

աշխատեցին պրոֆեսիոնալ մասնագետներ, այստեղ լավագույն դասախոսական ներուժն է, որ մեզ մասնագիտական գիտելիքներ փոխանցեց, ծանոթացրեց պարավետի մանկավարժության առանձնահատկություններին»:

Սիլվա Մելքոնյանը շարունակելու է կրթությունը մագիստրատուրայում, իսկ մինչ այդ Երևանի համալսարանից մեկուսացել է իր պարային ստուդիան, որտեղ ավելի քան 10 տարի զբաղվում է պրոֆեսիոնալ պարով:

Այս տարի ֆակուլտետն ունի 176 շրջանավարտ, որից 89-ը ավարտեցին բակալավրիատը, 16-ը՝ մագիստրատուրան, 76-ը՝ հեռակա ուսուցման համակարգը, գերազանցությամբ ավարտել է 39 շրջանավարտ:

Բարի՛ երթ, սիրելի շրջանավարտներ: Ուր էլ լինեք՝ աշխատեք հավատարիմ լինել ձեր մասնագիտական առաքելությանը: Թող ձեր բոլոր ձեռնարկները պսակվեն հաջողությամբ: >2

Ռեկտորն ընդունեց Հյուսիս-Կովկասյան դաշնային համալսարանի պատվիրակությանը



Մանկավարժական համալսարանում հունիսի 26-ին հյուրընկալեցին Հյուսիս-Կովկասյան դաշնային համալսարանի պատվիրակությանը՝ ռեկտոր Դմիտրի Բեսպալովին, միջազգային համագործակցության գծով պրոռեկտոր Ալբերտ Կունդուկովին, արտասահմանյան պատմության, քաղաքագիտության և միջազգային հարաբերությունների ամբիոնի վարիչ Իգոր Կրյուչկովին, Ընդհանուր հոգեբանության և անձի հոգեբանության ամբիոնի վարիչ Իրինա Բելաշեվային:

Հանդիպմանը ներկա էին ՀՊՄՄ միջազգային հարաբերությունների և աշխատակազմի գծով պրոռեկտոր Մարիաննա Հարությունյանը, Կրթության հոգեբանության և սոցիոլոգիայի ֆակուլտետի դեկան Ռուզաննա Պետրոսյանը, Պատմության և հասարակագիտության ֆակուլտետի դեկան Էդգար Յովհաննիսյանը:

Համալսարանի հետ բուհը նախկինում տարբեր ծրագրեր է իրականացրել: Հյուսիս-Կովկասյան դաշնային համալսարանի ռեկտոր Դմիտրի Բեսպալովը վստահ է՝ գործակցությունը կշարունակվի նոր ուղղություններով, պայմանագրի ստորագրումն էլ երկու բուհերի հարաբերություններին նոր որակ կհաղորդի:

Նա խոսեց Հյուսիս-Կովկասյան դաշնային համալսարանի հնարավորությունների, ներուժի, ուսանողների փոխանակման, ինչպես նաև մի շարք կազմակերպվելիք նախաձեռնությունների մասին, որոնցում կընդգրկվեն նաև Մանկավարժական համալսարանի ուսանողներին:

Ընդհանուր հոգեբանության և անձի հոգեբանության ամբիոնի վարիչ Իրինա Բելաշեվան առաջարկեց կոնկրետ համագործակցություն հոգե-

>2

Ռեկտորն ընդունեց Հյուսիս-Կովկասյան դաշնային համալսարանի պարվիրակությանը

➤1 բանության ոլորտում համատեղ հոգեբանական հետազոտությունների, բակալավրիական և մագիստրական համատեղ ծրագրերի իրականացում:

Հյուսիս-Կովկասյան Ռեկտոր Սրբուհի Գևորգյանը որոշակիացրեց հոգեբանության և սոցիոլոգիայի ոլորտի հետազոտությունների թեման՝ առաջարկելով համատեղ հետազոտություններ նոր ժամանակների մարտահրավերների ազդեցությունը երեխաների հոգեկան աշխարհի փոփոխությունների համատեքստում, համագործակցությունն ցախակրթա-

րան, դպրոց, վարժարան, բուհ շարժագծով, գիտական հոդվածների երկուստեք տպագրություն համալսարանական պարբերականներում և այլն:

Հանդիպումն ավարտվեց համագործակցության պայմանագրի ստորագրումով, որից հետո գործընկեր բուհի ռեկտոր Դմիտրի Բեսպալովը Հյուսիս-Կովկասյան դաշնային համալսարանի մեղալ շնորհեց Հյուսիս-Կովկասյան Ռեկտոր Սրբուհի Գևորգյանին՝ ի նշան համագործակցային հարաբերությունների խորացման ու ամրապնդման:

Սիլվա ԱՍՐՅԱՆ



Մաղթում ենք հաջողություններ...

➤1 շնորհավորել հարազատ բուհի ու ֆակուլտետի շրջանավարտներին՝ փաստելով, որ «բոլոր ժամանակներում, անգամ հին աշխարհում ու միջնադարում, ուսուցչի մասնագիտությունը եղել է ամենա-



հեղինակավորը»:

Հայոց պատմության ամբիոնի վարիչ Էդիկ Գևորգյանը շնորհավորեց ուսանողներին, որոնք արդեն գիտելիքների մեծ պաշար ամբարած շրջանավարտներ են: Ամբիոնի վարիչը նկատեց՝ ձեր ուսումնառության տարիներին շատ փորձությունների հանդիպեցիք, ձեր սերնդակիցներից շատերն իրենց կյանքը զոհաբերեցին վասն հայրենյաց: Դուք շատ անելիք ու ասելիք ունեք հենց ձեր սերնդակիցների համար:

Էդիկ Գևորգյանը շրջանավարտներին մաղթեց ակտիվ դերակատարություն մեր երկրի հասարակական-քաղաքական կյանքում:

Համաշխարհային պատմության և նրա դասավանդման մեթոդիկայի ամբիոնի վարիչ Խաչատուր Ստեփանյանը միացավ շրջանավարտների շնորհավորանքներին՝ կյանքի նոր փուլ մտնելու կապակցությամբ: Նա անդրադարձավ դասախոսների ներդրած այն մեծ ջանք ու եռանդին, որի շնորհիվ ուսանողները հասել են այս բաղձալի օրվան:

«Հաջորդ սերնդի հայրենասեր ու պետականամետ լինելը պայմանավորված է լինելու ձեր՝ դպրոցում

ցուցաբերած մասնագիտական կարողություններով, քաղաքացիական դիրքորոշումներով:

Մանկավարժի աշխատավարձը ցածր է, բայց կոչումը՝ բարձր: Դուք ականատես եղաք, թե ինչպես հայ ժողովրդի լավագույն զավակները արյուն թափեցին մեր այսօրվա համար, դուք էլ պարտավոր եք քրտինք թափել նրանց գործը շարունակելու համար: Պետք է արժևորեք նրանց թափած արյունը՝ ձեր աշխատանքով, նվիրումով և ապագայի հանդեպ ունեցախ հավատով»:

Խ. Ստեփանյանը հորդորեց շրջանավարտներին՝ փարատել դպրոցում հանդիպած բոլոր հիասթափությունները:

Հասարակագիտության և քաղաքագիտության



ամբիոնի վարիչի պաշտոնակատար Հայկ Սուքիասյանը վստահություն հայտնեց, որ շրջանավարտները գիտելիքներից բացի իրենց հետ կտանեն այս բուհի իմաստությունը: Նա բարի ընթացք մաղթեց շրջանավարտներին, բայց նաև՝ նվիրում պետությամբ, նվիրում գիտելիքով:

«Հասարակագիտություն» և «Իրավունք» մասնագիտությունների գծով ամփոփիչ ատեստավորման հանձնաժողովի նախագահ Դավիթ Հակոբյանը շրջանավարտներին հորդորեց. «Գիտակցեք, որ այսօր մենք ականատեսն ենք ոչ թե միջազգային իրավուն-



քի, այլ իրավունքի միջազգայնացման: Ձեր գիտական աշխատանքները իրականացրեք այդ ուղղությամբ:

Ձգտեք երջանկության և հավատացեք մարդու իրավունքներին ու ազատությանը»:

Եղիշե Գեղամյանը գերազանցությամբ ավարտել է պատմության բաժնի բակալավրիատը: Ուսումը շարունակելու է մագիստրատուրայում: Մտադրվել է ավարտելուց հետո նվիրվելու է ուսուցչի առաքելությանը: Թող որ ցածր աշխատավարձով, մասնագիտական գործունեությունը կհամադրի այլ աշխատանքի հետ: Հիացած է ֆակուլտետի պրոֆեսորադասախոսական ներուժով, որը համարում է հանրապետությունում լավագույնը:

Մարիան Մարտիրոսյանն էլ գերազանցությամբ ավարտեց մագիստրատուրան՝ «Պատմություն» մասնագիտությամբ: Հասցրել է և՛ գերազանց սովորել, և՛ փոքրիկ ունենալ: Դիպլոմն ստանալու է եկել երեխայի հետ: Ուսումնառության տարիները բավականին հետաքրքիր էին, անկարագրելի զգացողություններ ունի: Ծնունդով Երևանից է, բայց ամուսնացել է Գավառի Գանձակ գյուղում: Վստահեցնում է՝ անպայման աշխատելու է դպրոցում:

Դե ինչ, սիրելի շրջանավարտներ: Մաղթում ենք հաջողություններ և նվիրում ուսուցչի կոչմանն ու առաքելությանը:

Սիլվա ԱՍՐՅԱՆ

Դիպլոմներ՝ մշակույթի ոլորտի շրջանավարտներին





ՀՊՄՀ-ում «Օսմանյան կայսրության հայկական կրթական ուսումնական հաստատությունները. ուսյալ ազգի վկայագրեր» ցուցահանդեսի կազմակերպումից հետո Մանկավարժության ամբիոնը վարիչ, պրոֆեսոր Արթուր Գրիգորյանի ղեկավարությամբ հայտարարվեց մրցույթ՝ «Ուսյալ ազգի վկայագրերը» խորագրով ուսանող-դասախոս միասնական նախագծային ծրագրի իրականացման համար:

Մրցույթին մասնակցել են տարբեր ֆակուլտետների 100 ուսանողներ և 27 դասախոսներ, այնուհետև ընտրվել 3 լավագույն նախագծերը:

Եզրափակիչ կոնֆերանսն անցկացվեց հունիսի 15-ին Հա-



կիցները ուսումնասիրել էին Կարինի գավառի հայկական կրթական հաստատությունները, այդ թվում՝ մանկավարժները: Ներկայացրին նաև կրթական հաստատությունների ակնառու գործիչներին:

Գնահատող հանձնաժողովի անունից պրոֆեսոր Սուրեն Դանիելյանն ամփոփեց մրցույթը. «Արևմտահայ կրթության հրաշալի ճանապարհը ուսանողների անբասիր աշխատանքի միջոցով լավագույնս ներկայացվեց»:

Ու թեև ելույթ ունեցողներն ընդգծեցին, որ այս նախագծում հաղթողներ և պարտվողներ չկան, այնուամենայնիվ, 1-3-րդ տեղերը բախշվեցին՝ ըստ ուսումնասիրությունների կատարման ու խորքային մոտեցումների:

Սկզբնական կրթության և Կենսա-

ներ Սուսաննա Ջանիկյան, Արմինե Եփրիկյան):

Շնորհակալագրեր հանձնվեցին նաև տարբեր անվանակարգերում:

Պատմության և հասարակագիտության ֆակուլտետի դեկանն ընդգծեց՝ սա նախագծային ուսուցման փայլուն օրինակ էր, իսկ պրոֆեսոր Լաուրա Ասատրյանը փաստեց՝ այս նախագծով մենք հարստացրինք մանկավարժության պատմությունը տեսական նոր նյութերով. արևմտահայ կրթական հաստատությունների գործունեությամբ ապացուցեցինք, որ մենք համաշխարհային քաղաքակրթության մեծ մեծ տեղ ունենք:

«Հպարտ եղեք, որ դուք հայ եք, այնպես ապրեք ու արարեք, որ Հայաստանը ծեղկով ճանաչեն»,- ներկաներին հորդորեց պրոֆեսոր Արթուր Գրիգորյանը՝ շեշտադրելով՝ հայ ժողովրդի ուսյալ գավա-



Կոնֆերանս՝ «Ուսյալ ազգի վկայագրերը» խորագրով

յոց ցեղասպանության թանգարան-ինստիտուտում, որին մասնակցում էին ֆակուլտետների դեկաններ, դասախոսներ և ուսանողներ:

Ներկաներին ողջունեց նախաձեռնության հեղինակ Արթուր Գրիգորյանը, ով ևս մեկ անգամ փաստեց՝ և ուսանողները, և դասախոսները ամենայն պատրաստակամությամբ են վերաբերվել նախագծին, որը սովորեցրեց ճիշտ նպատակներ դնել, կանխատեսել, համագործակցել: Նախագծի իրականացումը շատերի համար դարձավ հայրենասիրության, ազգային ինքնագիտակցության, ինքնության ամրապնդման միջոց, և բոլոր մասնակիցները հնարավորություն ունեցան հաղորդակցվելու մեր ժողովրդի պատմությանը, օտար ափերում մեր նախնիների կրթական մաքառումներին, անվանի մանկավարժների գործունեությանը, մեր ժողովրդի ուսյալ գավառների կրթամանկավարժական, հասարակական գործունեությանը:

Նա թանգարան-ինստիտուտի դեկավարության փոխանցեց ուսանող-դասախոս համատեղ նախագծային աշխատանքի փաթեթը. գիտական հիմք ունեցող լավագույն ուսումնասիրությունները տպագրվելու են նրանց պարբերականներում:

Նախագիծը կայացավ Մանկավարժական համալսարանի Մանկավարժության ամբիոնի և Հայոց ցեղասպանության թանգարան-ինստիտուտի սերտ համագործակցությամբ, ինչպես նաև Հայաստանի ազգային գրադարանի, ՀՊՄՀ թանգարանի և գրադարանի աջակցությամբ:

Կոնֆերանսին առաջինը ներկայացվեց Սկզբնական կրթության և Կենսաբանության, քիմիայի և աշխարհագրության ֆակուլտետների համատեղ աշխատանքը՝ «19-րդ դարի Ջնյունիսի հայ կրթական հաստատությունների գործունեությունը»:

Նախագիծը ներկայացնողներն անդրադարձ արեցին այստեղի նշանավոր գործիչներին ու վարժարաններին, մասնավորապես Մեսրոպյան վարժարանին, որի փափագյանական շրջանը համարվում է ոսկեդար, Աղաբեկյան, Հռիփսիմյան և մյուս վարժարաններին, որոնք ապահովել են ազգային, հայեցի դաստիարակություն: Ներկայացնելով 19-րդ դարի Ջնյունիսի հայ կրթական հաստատությունների գործունեությունը՝ նախագծի մասնակիցները փաստեցին՝ վերոհիշյալ թեմայի իմացությունը հաստա-



տապես կնպաստի ներկա և ապագա մանկավարժների ազգային հոգեկերտվածքի ձևավորմանը:

Երկրորդ աշխատանքը «Կ. Պոլսի Կեդրոնական վարժարանի գործունեությանը» էր, որ ներկայացրեց Բանասիրական ֆակուլտետի խումբը: Նախագծի մասնակիցները ներկայացրին առ այսօր գործող Կ. Պոլսի կրթական հաստատությունների անցյալն ու ներկան, տնօրեններին, անդրադարձ արեցին նաև գավառների կրթօջախներին:

Ներսես արքեպիսկոպոս Վարժապետյանի ջանքերով ստեղծված կրթօջախն այսօր ղեկավարում և ավանդույթները շարունակում է տնօրեն Սիլվա Մարկոսյանը: Երկսեռ վարժարանը քառամյա լիցեյի բաժիններով համապատասխանում է մեր ավագ դպրոցի մակարդակին:

Պատմության և հասարակագիտության ֆակուլտետի նախագծային աշխատանքային խումբը ներկայացրեց «Կարինի հայկական վարժարանները»: Մասնա-

բանության, քիմիայի և աշխարհագրության ֆակուլտետների նախագծային խումբը «19-րդ դարի Ջնյունիսի հայ կրթական հաստատությունների գործունեությունը» աշխատանքի համար (դասախոսներ Սուսաննա Սիսյան, Գայանե Եգանյան) արժանացավ 3-րդ մրցանակային տեղին, Բանասիրական ֆակուլտետի խումբն արժանացավ 2-րդ մրցանակային տեղին՝ «Կ. Պոլսի Կեդրոնական վարժարանի գործունեությունը» աշխատանքի համար (դասախոսներ Գրեթա Հակոբյան, Զնարիկ Աբրահամյան), իսկ 1-ին պատվավոր մրցանակին արժանացավ Պատմության և հասարակագիտության ֆակուլտետի նախագծային աշխատանքային խումբը՝ «Կարինի հայկական վարժարանները» ուսումնասիրության համար (դասախոս-



ները աշխարհին այնքան բան են տվել:

Պրոֆեսոր Սուրեն Դանիելյանը վստահ է. «Մանկավարժականում լայն ճանապարհի հարթած, մեզ դեպի արևմտահայ աշխարհը գերջանքը և կորովը եկավ Արթուր Գրիգորյանից, անվիճելի է, որ նա արևմտահայ կրթության արժեքներին հաղորդակից դարձնելու գործում մեծ դեր խաղաց»:

Դասախոսների և ուսանողներ համար կազմակերպված էքսկուրսիան ուսանելի և ճանաչողական մեծ նյութ տվեց Հայոց ցեղասպանության մասին, թանգարան-ինստիտուտի դեկավարներն էլ իրենց կողմից նվերներ փոխանցեցին նախագծի մասնակիցներին. դրանք վերապրածների հուշերը ներկայացնող գրքեր էին:

Մանկավարժական համալսարանի դասախոսական և ուսանողական կազմը ծաղիկներ խոնարհեց անմեղ զոհերի հիշատակը հավերժացնող անմար կրակի մոտ:



Ցավալի կորուստ

Խաչատուր Աբովյանի անվան Հայկական պետական մանկավարժական համալսարանի «Պարավեստի մանկավարժության և նրա դասավանդման մեթոդիկայի» ամբիոնը ցավալի կորուստ կրեց: Կյանքի 61-րդ տարում անժամանակ կյանքից հեռացավ ամբիոնի երկարամյա դասախոս, ճանաչված ու սիրված պարուսույց-մանկավարժ Նելլի Արսենի Աբովյանը:

Նելլի Աբովյանը ծնվել է 1962 թվականին: 1984 թվականին ավարտել է Հայկական պետական մանկավարժական ինստիտուտի Կուլտուրայի ֆակուլտետի պարային բաժինը:

Մեծ է եղել նրա վաստակը հայ մանուկների գեղագիտական դաստիարակության և պարուսուցման գործում:

1984 թվականից առ այսօր դասավանդում էր Մանկավարժական համալսարանում՝ երիտասարդ սերնդին փոխանցելով պարավեստի մանկավարժության և պարագիտության ոլորտում ունեցած մասնագիտական հմտություններն ու փորձը:

Տարբեր տարիների պարուսույց է աշխատել մի շարք հաստատություններում, այդ թվում՝ էլեկտրոնային հաշվիչ մեքենաների տեխնիկումում, Կանազի մշակույթի պալատում, ՀՀ Պաշտպանության նախարարությունում, Քաղաքային պիոներ պալատում, Կույր և թույլ տեսող երեխաների դպրոցում, Էստրադային և ջազային արվեստի պետական թուլեջում:

Երկարամյա գործունեության համար 2008 թվականին պարգևատրվել էր ՀՊՄՀ «Մանկավարժական համալսարան» մեդալով:

Որպես դասախոս, մանկավարժ-պարուսույց, որպես մարդ և ընկեր Նելլի Աբովյանը սիրված և զնահատված էր բոլորի կողմից, վայելում էր պրոֆեսորադասախոսական կազմի և ուսանողների սերն ու հարգանքը:

Մանկավարժական համալսարանի պրոֆեսորադասախոսական կազմը ցավակցում է գործընկերոջ ընտանիքին՝ Նելլի Աբովյանի անժամանակ մահվան կապակցությամբ:

Վաստակաշատ մանկավարժի հիշատակը վառ կմնա իր գործընկերների և ուսանողների սրտերում:

Ողջ կյանքի ընթացքում մնաց իր գրչին, իր սկզբունքներին հավապարիս...

Երկարատև ծանր հիվանդությունից, 66 տարեկանում, մահացել է պետական-հասարակական գործիչ, անվանի լրագրող, Մանկավարժական համալսարանի Կուլտուրայի ֆակուլտետի Հեռուստառադիոլրագրության ամբիոնի պրոֆեսոր Սերգո Երիցյանը:

Հուշի ու հիշողության, ընկերոջ ու գործընկերոջ մասին անվերջ շարունակվող գրառումները փաստում են լավագույն լրագրողի, հմուտ դասախոսի, լավ ընկերոջ, իր նախընտրած ոլորտին անմնացորդ նվիրյալի և պարզապես լավ մարդու մասին: քչերին է հաջողվում իրենից հետո թողնել հարուստ կենսագրություն, անհատական ոճ ու ձեռագիր, աշխատանքային հետաքրքիր միջավայր, ընկերների լայն շրջան ու հրաշալի ընտանիք...


«Հեռուստալրագրությունը նման է հավերժական սիրո, որից բաժանվելն անհնար է», -ասում էր Սերգո Երիցյանը: Իսկ այս օրերին ասպարեզի հանդեպ նրա այդ մեծ սիրո մասին գրում են ընկերները...

«Սեր հանրային կյանքում ոչ բոլորի թողած հետքն է մնում անփոխարինելի: Այդ եզակի մասնագետներից էր հայտնի հեռուստալրագրող, լրագրության պատմաբան ու տեսաբան, Խաչատուր Աբովյանի անվան հայկական պետական մանկավարժական համալսարանի հեռուստառադիոլրագրության ամբիոնի դասախոս, բազմաթիվ գիտական, հրապարակախոսական հոդվածների, գրքերի, հեռուստահաղորդումների ու հեռուստաֆիլմերի հեղինակ, բանասիրական գիտությունների դոկտոր, պրոֆեսոր Սերգո Երիցյանը: Նա ոչ միայն փայլուն հեռուստալրագրող էր, այլև լրագրության լուրջ տեսաբան, մարդ, որն իր բարձր գիտելիքներն ու հմտությունները սիրով փոխանցում էր ուսանողներին՝ նրանց ավելի արհեստավարժ և խոսքի հանդեպ ավելի պատասխանատու մասնագետներ տեսնելու ակնկալիքով:

Սերգո Երիցյանի մենագրություններն ու ուսումնամեթոդական ձեռնարկները մշտապես փնտրված տեղ ու արժեք ունեն լրագրության բարդ ու հարափոփոխ ոլորտի համակարգված ուսուցման գործում: Բազմաթիվ երիտասարդ մասնագետների թեկնածուական ատենախոսություններ է ղեկավարել Սերգո Երիցյանը, միջազգային ակադեմիկոս տեսաբանների ու հանրահայտ լրագրողների գրքեր թարգմանել՝ հարստացնելով լրագրողական կրթության գրադարանը»:

ՀՊՄՀ Կուլտուրայի ֆակուլտետի Հեռուստառադիոլրագրության ամբիոնի վարիչ Լևոն Գալստյանի գրառումն է:

«Չեմ մոռանա Սերգոյի տաք, մարդկային վերաբերմունքն իր գործընկերների և ուսանողների նկատմամբ, դիպուկ խորհուրդները



զանազան գիտատեսումնական և մանկավարժական խնդիրներ քննարկելիս, բազում ուսանողական պրակտիկ-ուսումնական արշավները հանրապետության մարզեր», -հավելել է ամբիոնի վարիչ, դոցենտ Լևոն Գալստյանը:

«Նրա հետ ունեցած յուրաքանչյուր օրվա, յուրաքանչյուր գործի մասին կարող եմ երկար գրել ու պատմել, բայց ուզում եմ անդրադառնալ նրա բացառիկությանը:

Երիցյանը բացառիկ աշխատասեր ու բացառիկ պարտաճանաչ, բացառիկ լավատես ու բացառիկ նպատակասույց մարդ էր... Սա էր նաև պատճառը, որ մինչև վերջին օրը վստահ էի, որ հաղթահարելու է, ու սեպտեմբերին մորից միասին աշխատելու ենք», -կարդում ենք Սերգո Երիցյանի ընկերոջ, նաև գործընկերոջ՝ Արթուր Բաղդասարյանի դիմագրքի էջին:

«Սերգո Երիցյանը առաջին լրագրողն է, որ խախտեց խորհրդային կադրային և հայկական հեռուստատեսությունը բերեց «փողոցի սովորական մարդուն» առանց նախօրոք սովորած ու անգիր արված տեքստի: Սա հայկական հեռուստատեսության կարևորագույն անկյունաքարը եղավ», -ասել է Հայաստանի պետական հեռուստատեսության երկարամյա տնօրեն Ստեփան Պողոսյանը:


«...Սերն ընդհանրապես մի զգացում է, որ բխում է անհատից և վերադառնում նույն անհատին՝ ավելիով: Ավելացածը սեփական սիրո անդրադարձն է, որ առավել քաղցր ու հաճելի է, քանի որ վերադարձել է իր նմանների սիրո զգացումներում ստացած նոր գույներով, նախշերով ու ջերմությամբ: Ասել է թե՛ հավերժական սիրո առանցքը մարդն է, և Սերգո Երիցյանի՝ հեռուստալրագրության նկատմամբ ունեցած սերը պատվում է շուրջը», -դեռ շատ տարիներ առաջ գրել է գրող Ֆելիքս Բախչինյանը:

«Խոր ցավով տեղեկացա պետական գործիչ, կրթության և գիտության նախկին նախարար, բանասիրական

գիտությունների դոկտոր, պրոֆեսոր և վերջապես լավ բարեկամ Սերգո Երիցյանի անժամանակ մահվան մասին: Պետական գործչի կերպարին ոչ միշտ հատուկ պարզությամբ, համեստությամբ, խորությամբ և իմաստնությամբ՝ Երիցյանն ապրեց իր կյանքը՝ կայացման և հեղինակության ձևավորման դժվարին փորձությունների ճանապարհին պահպանելով ազնվությունն ու բարությունը, յուրաքանչյուրին անշահախնդիր աջակից լինելու կամքը: Մեծ քաղաքականության շրջապատույտում անգամ չմոռանալով իր բնօրրանը՝ Սերգո Երիցյանը հավերժական թելերով կապված էր Լոռվա ծորին, հայրենի ճոճկանին: Նա Լոռու դեսպանն էր, լոռեցու աջակից ձեռքը», -գրել է Ալավերդիի խոշորացված համայնքի ղեկավար Արկադի Թամազյանը:

«Ողջ կյանքի ընթացքում մնաց իր գրչին, իր սկզբունքներին հավատարիմ, ծառայեց հայոց պետականությանը, հայ լրագրությանն ու գրականությանը, հարստացնելով բազմաթիվ հետազոտություններով, գրական արժեքավոր հրատարակություններով, ֆիլմերով, պատմական նշանակություն ունեցող ռեպորտաժներով ու հեռուստատեսության և մամուլի տեսությանը նվիրված մենագրություններով: Եվ ամենակարևորը մնաց իր ընտանիքի, իր ընկերների, իր ուսանողների կողմից սիրված և հարգված Մարդ», -վերջին հարցազրույցի նախաբանում գրել է Չեխիայի «Օրեր» պարբերականի գլխավոր խմբագիր Հակոբ Ասատրյանը:

Մանկավարժական համալսարանի պրոֆեսորադասախոսական կազմը, աշխատանքային կոլեկտիվը, ուսանողները խորապես ցավում են Սերգո Երիցյանի անժամանակ մահվան առթիվ՝ իրենց վշտակցությունը հայտնելով կնոջը՝ Կարինե Տիտանյանին և ընտանիքի անդամներին ու հարազատներին:



«Հեյ... Ո՞վ կա...»

«Արևիկա» թատրոնի, Մանկավարժական համալսարանի և Շենգավիթի համայնքի Պատանեկության ստեղծագործական կենտրոնի համագործակցությամբ, ՀՊՄՀ պրոֆեսոր Արևիկա Հովհաննիսյանի սցենարով ու բեմադրությամբ, հունիսի 25-ին Հովհաննես Թումանյանի անվան տիկնիկային թատրոնի բեմին ներկայացվեց «Հեյ... Ո՞վ կա...» բեմադրությունը՝ ըստ աշխարհահռչակ, ամերիկահայ գրող Վիլյամ Սարոյանի համանուն ստեղծագործության:

Նշենք, որ Արևիկա Հովհաննիսյանը պրոֆեսիոնալների հետ ոչ պրոֆեսիոնալ պատանիներին ընդգրկելու հրաշալի փորձ ունի: Պրոֆեսորը մասնագիտորեն կրթում է այդ տաղանդավոր պատանիներին, որոնցից շատերը հետագայում դառնում են իր սաները Մանկավարժականի Կուլտուրայի ֆակուլտետում. և սա մասնագիտությունը ճիշտ ընտրելու լավագույն ճանապարհն է:

«Մենք պարտավոր ենք մշակույթով կրթել մեր երիտասարդներին, այլ ելք չունենք», -ասաց պրոֆեսոր Արևիկա Հովհաննիսյանը՝ ներկաներին մաղթելով բարի դիտում:

Սկսվում է ներկայացումը. երաժշտական և պարային հետաքրքիր լուծումներով ժամանակ առ ժամանակ ընդմիջվում է գլխավոր հերոսների բանտում հայտնված տղայի և բանտի խոհարարուհու՝ Եմիլիի երկխոսությունը: Պարողների անխոս լուրջությունն այնքան խոսուն է, գլխավոր հերոսների երկխոսությունն՝ այնքան անմիջական ու անկեղծ...

Անարդարությունն ամենուր է. բանտում հայտնված տղան փիլիսոփայորեն է վերաբերվում կյանքին, հավատում է, որ արդարությունը կհաղթի, հույսեր է փայփայում, որ ինքն ավելի լավը կդառնա Տեխասի Մատարդոր քաղաքի բանտից դուրս գալուց հետո, կամուսնանա խոհարարուհի արջկա հետ, կհարստանա, նրան կտանի Սան Ֆրանցիսկո, որտեղ ամեն ինչ նույնն է, ինչ որ մյուս քաղաքներում, բայց որտեղ մարդիկ իրար սիրում են... «Մարդ պետք է միշտ մեկին ունենա իր կողքին... Եվ պետք է ունենալ լավ մարդուն: Մեկին, որ, իմանալով հանդերձ, որ դու վատն ես, այնուամենայնիվ սիրում է քեզ: Ես գիտեմ, որ ես վատն եմ, բայց ինչ կարող եմ անել: Եթե դու ինձ հետ գաս, ես կլինեմ աշխարհի ամենաերջանիկ մարդը: Ես կդադարեմ այլևս վատ մարդ լինելուց...»:

Ու ամբողջ ընթացքում բանտային խցում հայտնված միայնակ տղան ձայնում է՝ «Հեյ... Ո՞վ կա... զոնե մեկն ու մեկը...»:



- Գիտե՞ս, -ասում է բանտի խոհարարուհուն, -երկրագունդը երկու մասի է բաժանվում. մի մասը գոհաբերվողներն են, մյուսները՝ զոհերին ընդունողները: Մարդկանց մեծ մասը կարծում է, թե զոհաբերող է, բայց...

Մի կնոջ թակարդի մեջ հայտնված տղան փորձում է հասկանալ կյանքի դառը ճշմարտությունը.

-Հոգին կարելի՞ է գնել... հոգին կորցրած մարդն ո՞ւմ է պետք...

Մեր հերոսները վատահ են՝ մարդիկ կորցնում են հոգին, նրա հետ էլ սերն ու հավատը...

- Հեյ, ո՞վ կա, զոնե մեկն ու մեկը... Ձայնում է տղան, բայց բանտային ճաղավանդակների ներսի լուրջությունը չի խախտվում որևէ մեկի ներկայությամբ, բացի միամիտ ու անկեղծ խոհարարուհուց և ժամանակ առ ժամանակ հայտնվող մի խենթից...

Տղան հույսը չի կորցնում, արդարությունը կվերականգնվի. «Հեյ, ո՞վ կա, զոնե մեկն ու մեկը...»: Չգիտի, որ աշխարհը խուլ է, որ արդարությունը չկա... Աստվածաշնչյան պատվիրաններն է արտաբերում մի՞ սպանիր, մի՞ շնացիր... Բայց հաջորդ պահին հասկանում է՝ այդ նրանք են բռնաբարում լույս աշխարհի եկած ամեն լուսավոր բան...

Աշխարհը լույսի ու սովերի համատեքստում ընկալող տղան բանտում դատապարտված է մահվան...

«Մարդիկ ամեն տեղ էլ նույնն են, փոխվում են, երբ սկսում են սիրել», - շարունակում է տղան. սարոյանական պարզ փիլիսոփայությունն է թևածում դաիլիճում, բայց ողբերգությունը չի ուշանում... սև հագուստներով մահը գուժող մարդ-սովերների բերանները սոսնձած ժապավեններն էլ փաստում են՝ արդարության դեմ մարդիկ ու աշխարհը լուռ են, որովհետև սեր չկա միմյանց հանդեպ, որովհետև արդարության ձայնը լսելու համար մարդիկ կոյր ու խուլ են ծանուն...

Հեյ, ո՞վ կա... զոնե մեկն ու մեկը՝ հանդիսատեսի ականջին խուլ արձագանքում է տղայի հեռացող ձայնը՝ թողնելով անարդար աշխարհի մասին սարոյանական ու նաև մեր պատկերացումներն ու ընկալումները, թախիծն ու սերը...

Բեմական խաղով փայլող պատանիների հայացքներն էլ հեռացող տխրության միջից կարծես հորդորում են՝ սիրեք իրար, և գուցե մի օր արդարությունը կհաղթանակի...

Միլվա ԱՍՐՅԱՆ

Շամալսարան-նախակրթարան

«Սկսվում է փոքրիկ մարդուկների և մեծ գործերի ժամանակը. մեր պատմությունը ընկերության և մեծ երազանքների մասին է: Բայց գիտե՞ք՝ ես այսօր մի քիչ տխուր եմ. մեկ ուզում եմ դպրոց գնալ, մեկ՝ ոչ, որովհետև չեմ ուզում հեռանալ մանկության այս հեքիաթից: Մենք դեռ 6 տարեկան ենք, և ամեն ինչ նոր է սկսվում. ուրեմն առաջ՝ դեպի դպրոց», - Երևանի N 117 մուլտիմանկապարտեզում կայացավ «Թիթեռներ» ավագ «ա» խմբի ավարտական հանդեսը:

Դաստիարակ Սաթենիկ Քմեթյանի, մեթոդիստ Սվետա Վարդանյանի նախաձեռնությամբ, երաժշտության մասի պատասխանատու Արուսյակ Բաղդասարյանի և օգնական Արմինե Խաչատրյանի ջանքերով հանդիսատեսները մասնակիցը դարձավ ամենահայտնի հեքիաթի հերոսներից մեկի՝ Անգետիկի և նրա ընկերների արկածներին:

Կախարդական հայելուց այն կողմ դպրոց չգնալու, իր հեքիաթային, աշխույժ, խաղ ու ծիծաղով լի քաղաքը տեսնելու առաջարկով ապագա դպրոցականներին դիմեց Անգետիկը՝ վատահեցներով իրենք ամեն ինչ գիտեն: Նա սաների հետ եղավ զույմերի աշխարհում, իրեն փորձեց նկարչության, երաժշտության, պոեզիայի ոլորտում, սակայն իրեն բնորոշ պարծենկոտությունը, տգիտությունը, համարձակությունն ու սրամտությունը

Դեպի դպրոց...

նը ստիպեց հուսահատվել՝ իր մոտ ոչինչ չի ստացվում:

Ավագ խմբի սաները, սակայն, լավ գիտեն՝ Անգետիկը, որն ունի հորինելու մեծ վարպետություն, վատ տղա չէ և իրականում շատ է ուզում սովորել, բայց ինչպե՞ս դա անի, եթե չի հաճախել մանկապարտեզ: Փոքրիկները կարծում են, որ ամեն բան պետք է սովորել հեղթով:

«Անգետիկ, արի մեզ հետ մանկապարտեզ. դու այնտեղ ամեն ինչ կսովորես: Մեր դաստիարակները կօգնեն քեզ ազատվել ծուլությունից», -ասացին երեխաներն ու վատահեցին՝ պետք չէ տխրել. ամեն ինչ դեռ առջևում է, կհասցնի ուղղել իր սխալները:

Պարային կատարումներ, երգեր՝ խաղաղության, սիրով և հավատով լի մանկության մոլորակի, գիտելիքի աշխարհի մասին. Երևանի N 117 մուլտիմանկապարտեզի սաները հրաժեշտի և շնորհակալական խոսքեր ուղղեցին նախակրթարանի աշխատակազմին՝ լավ մարդ կրթելու, մայրաքաղաք դաստիարակելու, իրենց կողքին լինելու համար: Խոստացան՝ կհիշեն նրանց ողջ կյանքում:

«Թիթեռներ» ավագ «ա» խմբի դաստիարակ Սաթենիկ Քմեթյանն իր սաներին մաղթեց կանաչ ճա-

նապարհ՝ դեպի դպրոց, դեպի ուսման մոր ուղի: Համոզված է՝ կյանքում դեռ շատ առիթներ կլինեն հիանալու և հպարտանալու նրանց հաջողություններով:

Երևանի N 117 մուլտիմանկապարտեզի տնօրեն Հայկուհի Տերևազարյանն էլ օրը հիշարժան է համարում. դպրության աշխարհ են ճանապարհում ևս մեկ սերունդ: Խոստովանում է՝ 4 տարիների ընթացքում հնարավոր ամեն բան արել են, տվել ամենակարևորը՝ սեր, ուրախություն, ժպիտներ:

Տնօրենը երեխաներին մաղթեց արել խաղաղ երկրում, լինել առողջ, հաջողակ, երջանիկ:

Ծնողները շնորհակալություն հայտնեցին Երևանի N 117 մուլտիմանկապարտեզի տնօրենությանն ու աշխատակիցներին՝ երեխաների դաստիարակության գործում ունեցած մեծ ավանդի, հոգատարության և ջերմության համար: Ընդգծեցին՝ նրանց շնորհիվ փոքրիկները սովորեցին սիրել, հարգել. «Երեխաների խոսքերն այսօր գուցե մոռացվեն, բայց ձեր վարձատրությունը կլինի նրանց՝ կյանքում ունեցած ձեռքբերումները, որոնցով կպարտանաք»:

Մարինե ԱՐԵՎԱՆ



Դեպի նոր նպատակներ

«Աղջիկ, ով իրենից մեծ գործեր է որոշել անել», - շատերն ինձ հենց այսպես էին որակում, երբ սովորելով առաջին կուրսում, որոշել էի մտքերս իրականության վերածել, իսկ համալսարանը միայն աջակցում էր՝ երբեք չստեղծելով որևէ արգելք: Իմ հասակակիցներից շատերը վախենում էին դասախոսներից, իսկ ես որոշել էի բացահայտել նրանց ու բացահայտումներին ճանապարհին ստեղծեցի «Հրուցում են Կենսաբանության, քիմիայի և աշխարհագրության ֆակուլտետի լավագույնները» խորագիրը: Ռիսկային որոշում առաջին կուրսեցու կյանքում, ով չէր էլ սպասում, որ այդքան դասախոս կաջակցի իրեն: Հետո աջակցությունս բանակը սկսեց շատանալ՝ մյուսներս սկսեցին տպագրվել համալսարանի թերթում, միաժամանակ սկսեցի համագործակցել կայքի հետ: Մեկ տարի անց, երբ սկսեց պատերազմը, արդեն երկրորդ կուրսեցի Մարիամը դարձավ ֆակուլտետի ուսանողական խորհրդի նախագահի ժամանակավոր պաշտոնակատար: Դասերին զուգահեռ հսկայական կամավորական աշխատանքներ, թիմի հավաքագրում, աշխատանքների բաժանում... այդ ընթացքում սովորեցի գնահատել ամենակարևորը՝ փոքրիկ պահերը, որոնց հաճախ կարևորություն չենք տալիս: Անցավ ես մեկ տարի, ու երրորդ կուր-



սեցի Մարիամը դարձավ կենտրոնական ուսանողական խորհրդի լրատվական համեմատողովի նախագահ՝ հսկայական հմտություններ, նոր կայքեր ու լավագույն ընկերներ... բայց մի բան կիսատ էր, ու ֆակուլտետի հանդեպ եղած անսահման սերն արդեն չորրորդ կուրսեցի Մարիամի առաջ բացեց նոր ճանապարհ՝ պատիվ ու հնարավորություն այն մասնագիտելու:

Ու երբ այսօր հարցնում են, թե ինչու եմ այսքան սիրում Մանկավարժական համալսարանը, պատասխանը մեկն է՝ այն ինձ տվել է ավելին, քան պարզապես մասնագիտական որակավորումը, այն ինձ համար ավելին է, քան պարզապես ուսումնական հաստատությունը: Հորս տարիների ընթացքում իրապես զգացել եմ որ ուսանողն այստեղ ունի անելու, զարգանալու, սեփական մտքերն ի կատար ածելու, անարդարութ-

յունների դեմ պայքարելու և առաջ գնալու բոլոր հնարավորությունները: Իսկ ֆակուլտետում ինձ համար չի եղել պարզապես ստորաբաժանում, այլ մեծ ու ամուր ընտանիք, չնայած որ ողջ առկա խնդիրների ու շատ հարցերի, պարզապես պետք է սիրել այն ու անել ամեն հնարավոր ու անհնար բան, որպեսզի որոշ չափով աջակից լինես:

Այսօր անսահման երջանիկ եմ, որ ունեմ այն, ինչ ունեմ՝ դասախոսների հարգանք, ուսանողների սեր ու նվիրվածություն և մի գաղափարի շուրջ համախմբված թիմակիցներ: Այդ ամենն, իհարկե, փոխադարձության սկզբունքով: Սակայն ինչպես հայտնի է՝ ամեն սկիզբ ունի ավարտ, և նոր սկզբի նպատակներն արդեն մագիստրատուրայի ճանապարհը բռնած Մարիամի բաժանում են ուսանողական խորհուրդը նախագահելուց, ու որքան էլ բարդ ու դժվարին է այդ որոշումը, միևնույն պահին մեծ է այն համոզմունքը, որ նոր հաջողությունները դեռ առջևում են, որոնք պետք է գրանցել հարագատ համալսարանի սիրելի ֆակուլտետում, իսկ հետագա գործունեությամբ նպաստել արդեն ոչ միայն համալսարանի, այլև երկրի զարգացմանը:

Իսկ հիմա՝ դեպի նոր նպատակներ...

Մարիամ ԱՍՐԳՅԱՆ



ՄԵՐ ՀՅՈՒՐՆ ԵՆ ՄԱՐՍԵԼԻ Խ. ԱՌՈՎՅԱՆԻ ԱՆՎԱՆ ՎԱՐԺԱՐԱՆԻ ՄԱՆԵՐԸ



Ավետիկ ՄԱՐԳԱՐՅԱՆ 13 տարեկան

Աշուն

Աշուն է, աշուն, Տերևները նախշուն Օրորվում են դաշտում, Հայտնվում հանկարծ Խենթ աղջկա մեղմ ձեռքում: Ժպտադեմ աղջիկը հանկարծ զարմանում Ու նրանց հետ շուրջպար է բռնում: Աշուն է, աշուն Ոսկեզօծ դաշտում, Աղջիկը հանկարծ Մենակ է մնում, Տերևներն են անհետանում՝ Թողնելով դաշտում մի խենթ տրամադրություն



Ավետիսյան Ռիփսիմե-Էմմա 7 տարեկան

Ես Ավետիսյան Ռիփսիմե-Էմմա եմ: Ես 7 տարեկան եմ: Սովորում եմ Խաչատուր Աբովյանի անվան դպրոցի 2-րդ դասարանում: Ծնվել և ապրում եմ Ֆրանսիայի Մարսել քաղաքում: Սիրում եմ բանաստեղծություններ գրել: Հայրենիք իմ, Հայաստան, Գեղեցիկ ես անսահման, Տառիս պատմած հեքիաթում Դու միակն ես աշխարհում:



Էդգար ՄՈՎՍԵՍՅԱՆ 9 տարեկան

Իմ փոքրիկ Հայաստանը Մարսելում

Ես Մովսեսյան Էդգարն եմ: Ես հայ եմ, ծնվել եմ Ռուսաստանում, հիմա ապրում եմ Ֆրանսիայի Մարսել քաղաքում: Ես երբեք չեմ եղել հայրենիքում, բայց ես գիտեմ հայերեն գրել և կարդալ, ես սովորում եմ Մարսելի Խաչատուր Աբովյանի երկօրյա վարժարանում, որտեղ իմ սիրելի ուսուցչուհին՝ Իրինա Խաչատրյանը, մեզ հայերեն գրել և կարդալ է սովորեցնում, պատմում Հայաստանի մասին: Ես նաև շատ եմ սիրում մեր հայկական տոները, հատկապես՝ Սուրբ Ծնունդը և Ձատիկը: Մայրիկս այդ օրերին մեր տունը գեղեցիկ զարդարում է, մեծ ու տոնական սեղան է պատրաստում, որի շուրջ մենք հայերեն աղթում ենք ու շնորհավորում ենք միմյանց: Ես շատ եմ երազում լինել Հայաստանում և իմ աչքերով տեսնել իմ հայրենիքը:



Անժելա ՄՈՒՇԵՂՅԱՆ 8 տարեկան

Հուսամ՝ մի օր նորից կհայտնվեմ հեքիաթում

Ես այն երջանիկ երեխաներից մեկն եմ, ով ծնվելով և ապրելով օտար երկրում, հնարավորություն է ունեցել գոնե մեկ անգամ գտնվել հայրենիքում: Մայրիկս ինձ ամեն օր փորձել է պատմել ու նկարագրել այնպես տպավորիչ, որ ես կարծում էի, թե արդեն եղել եմ այնտեղ: Ժամանակ շատ չեմ ունեցել, բայց շատ ու շատ վայրեր, այնուամենայնիվ, հասցրել ենք հաճախել՝ զբոսնելով քաղաքի կենտրոններում, հասնելով մինչև Սևանա լիճ, Դիլիջան, Գոշավանք: Շա՛տ-շա՛տ տաճարներ ու եկեղեցիներ ենք հասցրել տեսնել. ամեն ինչ շատ տպավորիչ էր: Ես չեմ թաքցնի և անկեղծ կլինեմ՝ Երևանում ինձ ամենաշատն ուրախացնում էին այն գունագեղ մանկական վայրերը, սրճարանները, որոնք այցելեցիս: Օրինակ շատ տպավորիչ էր «Երևան պարկը», ուր ես հայտնվեցի իրական հեքիաթում. խաղեր, ժպիտներ, թատերական ներկայացումներ, գլխապտույտ զվարճանքներ: Ես շատ ուրախ և արկածային օր ունեցա: Այժմ պատմեցի ու շատ կարոտեցի ամեն ինչին: Հուսամ՝ մի օր նորից կհայտնվեմ հեքիաթում:



Վանեսա ԱՎԱԳՅԱՆ 8 տարեկան

Իմ հայրենիք

Իմ չքնաղ երկիր, իմ հայրենիք Հայաստան, դառեր են անցել, բայց դու կանգուն ես, ինչպես մի հսկա լեռ՝ հպարտ ու թիկնեղ, գեղեցիկ ու վսեմ: Ռոտինները նենգ ու չար, միշտ որոգայթներ են սարքել, ամեն կողմից, ինչպես հեղեղ, պաշարել են ու նեղել, բայց քեզ երբեք չեն ցնցել, մնացել ես կանգուն՝ ինչպես մի քերթ: Քամի՝-քամի՝ բիրտ վայրենի ցեղեր փորձել են քեզ հատել ու ընդմիջտ թաղել, բայց հողի մեջ թաղված հատիկի նման նոր ծիլ ես տվել ու կյանքի տենչով հառնել: Ծնունդ եմ առել բյուր գորապետներ, գեներալներ և մարշալներ: Իմ քաջասիրտ Հայաստան, հակառակ սրտիդ վերքերին, բազմամիլիոն մարտիկներ ելան ընդդեմ բռնության: Մեռան թշնամու սրից ոչ իբրև գերի, այլ իբրև հերոս: Նրանք, որ պայքարել ու ընկել են, իրենց արյունով բորբոքել են անկախության ու ազատության կրակը՝ որպես հավերժող արև, որ ընդմիջտ ծածանվի երկրի վրա դրոշմ եռագույն, որ ողջ աշխարհում դառնա ինքնուրույն: Կաս, պիտի լինես և հարատևես դարեր շարունակ, իմ անկախ հայրենիք:



Ազնեսա ՄԱՐԳԱՐՅԱՆ 9 տարեկան

Հայ զինվորի մայրիկին

Իմ քաջ զինվորի հպարտ մայրիկ, գիտեմ, որ շատ դժվար է, բայց ուզում եմ, որ լինես ամուր, հպարտ, որովհետև դու ունես ամենաառանձնական ու ամենաքաջ որդին աշխարհում: Այլևս երբեք թող պատերազմներ չլինեն այս աշխարհում, թող Աստված քեզ առողջություն ու երկար տարիների կյանք շնորհի... Մեր սուրբ ու բարի մայրիկ:

Հայրենիք-Սփյուռք

Հայաստանից հեռու, բայց մարդով միշտ Հայաստանի հետ

Ռուսաստանի Դաշնության Օրենբուրգի մարզում հայերը հաստատվել են դեռևս 1734 թվականներին, զբաղվել հիմնականում առևտրով: Օրենբուրգում մինչ այսօր ապրում են հազարավոր հայեր, ովքեր ամուր պահում են իրենց լեզուն, հավատքը, ավանդույթներն ու մշակույթը: Տարբեր ժամանակներում ամենամեծ հայրենասերները երբեք առիթն ու հնարավորությունը բաց չեն թողել՝ ստեղծելու կրթօջախներ, դպրոցներ, հայկական երգի ու պարի խմբակներ: Առաջիններից մեկն էր Օրենբուրգում իր կյանքի վերջին օրերը անցկացրած մեծարգո բանաստեղծ Վահան Տերյանի անունը կրող երկօրյա դպրոցը, որը գործում էր «Տերյան» հայ մշակութային հասարակական ֆոնդի Օրենբուրգի տարածաշրջանի քաղաքային բաժնի ներքո, որի նախագահն էր Աննա Օսեփյանը: >8





Մարգարիտ Դերանցը (Ռիտա Տեր-Մանվելյան) ծնվել է Ստեփանակերտ քաղաքում, ապրել է Երևանում, 2002 թվականից տեղափոխվել և ստեղծագործում է Ամերիկայի Միացյալ Նահանգներում:

Հայաստանի Հանրապետության Գրողների միության անդամ է: Վեց գրքերի հեղինակ է: Առաջին երեք գրքերը լույս են տեսել Լուսնջեյեսում «ԲՅՈՒՐԵՂԱՊԱԿԵ ԾԱՂԿԱՄԱՆԸ» վիպակը, 2013 թ., «ՍԱՐԵՐՈՒՄ ՊԱՇՏՊԱՆ ԳԱՂՏՆԻՔԸ» վիպակների, պատմվածքների ժողովածու, 2015 թ., «ՄԵՆԱԿՈՒԹՅԱՆ ՔԱՌԱԿՈՒՄԻ» վիպակների, պատմվածքների ժողովածու, 2017 թ.:

Վերջին երեք գրքերը լույս են տեսել Երևանում «Անտարես» հրատարակչության կողմից. «ՍԵՐ ԵՎ ԵՄԻԳՐԱՑԻԱ» վիպակների և պատմվածքների ժողովածու, 2017 թ., 2019 թ. XXI դար մատենաշարով լույս է տեսել «ՔՐՏՆԱՁՈՒԿ» պատմվածքների ժողովածու, 2021 թ. կրկին XXI դար մատենաշարով «ՍԵՐ ԼՈՒՍՆԵՋԵՅԵՍ» վեպը:

Նրա ստեղծագործությունները թարգմանվել են անգլերեն և ռուսերեն: Պարգևատրվել է և արեկացու ոսկե մեդալով (2021), Արցախի գրողների միության և «Գրիգոր Լաբեկացի» համալսարանի կողմից, արժանացել Լուսնջեյեսի ՀՀ Գլխավոր հյուպատոսության և համայնքի մշակութային կազմակերպությունների բազմաթիվ պատվոգրերի՝ հայապահպանության գործում ունեցած նշանակալի ավանդի համար, Փարիզում Ազնավուր հիմնադրամի կողմից արժանացել է ոսկե մեդալի (2023):

Բազմիցս տպագրվել է պարբերական մամուլում, համահեղինակային տարբերակներում, ինչպես Հայրենիքում (Հայաստան, Արցախ), այնպես էլ ԱՄՆ-ում, Կանադայում, Լիբանանում, Իրանում, Երուսաղեմում:

Հայրենիք-Սփյուռք

Մարգարիտ Դերանց

ԸՆԹԻԱԹ ԱԼՅՈՒՐԻ ՄԱՍԻՆ

Բժշկական համալսարանի ուսանողների մեջ պատկանելի թիվ էին կազմում ազդեցիկ պաշտոնյաների զավակները: Առավոտյան, երբ սկսվում էր ուսանողների հոսքը՝ համալսարանի բակը դառնում էր նորածնության բենահարթակ: Այստեղ էր սկիզբ առնում իննսունական թվականների ցուցամուկության շրջան, այստեղ էին ցուցադրվում բնական մորթուց մուշտակներ, երևանյան քամուց թրթռում մոդայիկ շրջագեստներ, որոնք ձեռք էին բերվում բավականին քանկ ու բարձրակարգ խանութներից: Եվան իր համեստ հագուկապով դուրս էր բռնանալով մրցակցությունից:

Սեզոնային արձակուրդներին նա վերադառնում էր հայրենի գյուղաքաղաք, օգնում էր ատամնաբույժ մորը խնորեղեն թխելիս, որի յուրաքանչյուր կտորը հիսուն դրամի շահույթ էր բերում, այսինքն՝ մի տուփ լուցկի: Ամենատեժան կոշիկը գնելու համար անհրաժեշտ էր խնորեղենի երկու հարյուր կտոր... Ուսման տարեկան վարձը՝ տասնչորս հազար կտոր...

Գեղեցկուհի թույրը, տատիկի սիրելին, ուսման մեկ տարվա վարձավճար էր պարտք, բայց չէր էլ անհանգստանում: Տատիկի այքը «խաղում» էր:

«Ախր սա ո՞ւմ քաշեց,- փնթփնթում էր տատը,- ո՞նց մայրն եմ՝ Եվան տանն է մնալու»:

Նա այս էլ որբորդ անգամ մտքով թափ էր տալիս գերդաստանի տոհմածառը՝ հատ-հատ հիշելով կանցավոր կյանակն, որոնք ժառելյազմություն և կանացի հնայք էին փոխանցել բառանգաբար, ապա զննում էր Եվայի կարծիքը, թմբկիկ ոտքերը: Աղջիկը խիստ տարբերվում էր. ցեղին բնորոշ առանձնահատկությունները շրջանցել էին նրան: Գերբվում էին ժառանգական օրինաչափություններ, որոնք հաստատվել էին անցած սերունդների ժամանակներում: Այո, տոհմի բոլոր կանայք եղել էին բարեստե ու ճիշտ ժամանակին զույգվող: Եվ տատիկն ինքն էլ երբեմնի սլացիկ գեղեցկուհին էր:

Եվան մանկուց արդեն համակերպվել էր «տան միակ գեղը» հեզմախառն բնորոշման հետ և ուշադրություն չէր դարձնում տատի փնթփնթոցներին: Աղջիկը միմյան իսկ քունն էր զոհաբերում, որպեսզի չընդհատվեր խնորեղեն թխելու անվերջ գործընթացը, բայց դրա կարիքն առանձնապես չկար: Խնորեղենը հաճախ հնամուտ էր խանութում երկար մնալիս, ապա՝ հայտնվում աղբարկղում: Եթե սուր ատամնացավով մեկը դուռը զանգում էր կեսգիշերին, մայրն ուրախությունից փայլում էր, քանզի իրավիճակի փոփոխությունը ենթադրում էր տաք վառարանից հեռանալու և մի քիչ նստելու հրաշալի հեռանկար:

Կան մարդիկ, ովքեր ապրում են փչացած ատամներով և ատամնաբույժի միջամտությանն են դիմում ծայրահեղ դեպքերում: Չբավորությունը պարտադրում է ուրույն կենսակերպ: Գոյատևող մարդը հայտնաբերում է բազմաթիվ հնարքներ, որոնք կյանքն ամեն զնով պահպանելու ջանքեր են իրականում, իսկ ատամների մասին հոգալը տրված է միայն մորթե մուշտակներով «բուրժուաներին»:

Միսը թանկ էր: Եվան ամբողջ օրը մակարոն էր ուտում և, բնականաբար, քաշի ավելցուկ ուներ: Լինում էին օրեր, երբ աղջիկը խորհում էր իրական կյանքի և դասագրքերից դուրս աշխարհի մասին՝ գողունի զննելով սիրահար զույգերին, որ անհոգ ճեմում էին համալսարանի միջանցքներում: Նախանձ ու էր: Թերևս՝ ոչ: Գիտեր ազատության իր սահմանները, որ սկսեմավորվում էին տաք վառարանից, խնորեղենի հնացող կտորներից և ավարտվում էին այստեղ՝ գլխապտույտ ընթերցանության մեջ:



Ահա անցավ քաղաքավարի երիտասարդը՝ քաղցրիկ ընկերուհու նազուկ մեջքը գրկած: Այս երիտասարդը մյուսների պես չէր ծաղրում Եվային՝ ակնարկելով կարծիքի հասակը, քաշի ավելցուկն ու զավառականին բնորոշ առանձնությունը: Եվայի միակ սիրելին այս երիտասարդն էր: Եվան ցանկահարույց հայացքներով ուղեկցեց երիտասարդին: Ա՛խ, երանի ինքը լիներ նրա ընկերուհու փոխարեն, բայց այս ցանկության կատարումն ի սպառ անհնար էր:

Երբեմն, տրվելով հոգեմաշ ֆանտազիաներին՝ աղջիկը պատկերացնում էր համարձակ իրավիճակներ, և խեղճանում էր ապա... Ի՛նչ խղճալի արարած էր ինքն այս իրականության դաշտում: Նույնիսկ եթե շրջանցեր ավանդապահ օրենքները, առաջնորդվեր մարմնի ցանկությանը՝ կուսությունը զոհաբերելու պատրաստակամությունն ընդունելով, միևնույն է, համակուրսեցի երիտասարդներից ոչ մեկը չէր բոցավառվի կրթով ու չէր քնի նրա հետ: Ո՞վ կմտնեմար Բժշկական համալսարանի «ամենուրեք ճուղիկին»: Իհարկե, այս մտքերը ինքնախղճահարության մտացածին պտուղներն էին լոկ: Արժանավոր կանանց տոհմից սերվող հետնորդը չէր կարող նման բան անել: Տատերը միշտ էլ հետևել էին բարոյականության ոսկե կանոնին. սիրո անկողինը կարող է լինել միայն ամուսնական մահիճը:

Եվան տուն էր վարձել քաղաքում, որպեսզի գերծ մնա հանրակացարանի «վտանգավոր» մթնոլորտից: Տան վարձը, հանապազօր հացն ու բժշկական կրթությունը մոր վրա նստեց հարյուր հազար կտոր խնորեղեն: Կտորներն, իհարկե, ավելի շատ էին, որովհետև խանութում հնացածը չէր մտել այս հաշվարկի մեջ: Երկարատև և համառ փնթրուքից հետո, Եվան այդպես էլ աշխատանք չգտավ: Ստիպված՝ վարձակալեց մայրաքաղաքի արվարձանային նկուղում գտնվող ատամնաբուժական աթոռ՝ հույս փայփայելով, թե մշտական համախորդներ կհավաքի ժամանակի ընթացքում: Հաճախորդներ, իհարկե, հավաքեց, բայց նրանք բոլորն էլ անվճարունակ էին: Մեկ տարի հետո, «բիզնեսի» վնասները արդեն չափվում էին հիսուն հազար կտոր խնորեղենով: Եվայի համբերության բաժակը լցվեց ի վերջո, երբ շնորհակալության փոխարեն այսպիսի պատասխան ստացավ հիվանդից:

-Փող ունենալի՛ ես պաղվալը մտնելու փոխարեն կգնայի առաջնակարգ ատամնաբուժարան: Էլ չեմ ատում, որ տեսքով բժշկուհու մոտ բուժվելը լրիվ ուրիշ հաճույք է:

Պատասխանողը գռեհիկ տղամարդ էր: Արհամարհել ու մոռանալ. ահա՛ ամենախելամիտն այս պարագայում: Բայց, չգիտես ինչու, Եվան երկար տարիներ հիշում էր այս խոսքերը, իսկ վերավորանքը չէր լռում ոչ մի կերպ: Անողոր էին այս բառերը, քանզի արժանապատվությանն էին դիպել, և հետապնդում էին՝ գերանդիով ուրվականի պես...

Ըստ հարևանների՝ Եվան «քոռ ու փոշման» վերադարձավ տուն: Տատն օրվա ընթացքում ամենաքիչը տան անգամ դիմում էր հարսին և թոռնուհիներին.

-Ախր, ո՞ւմ է պետք այք քոռացնելն ու կրթություն ստանալը: Վերջը սա չի՞: Գնաց կորավ հինգ տարի, է-սօր էլի խմոր եք հուճցում: Ես խմորեղենն էլ չլինեմ, չգիտեմ, թե ինչ էինք անելու:

Գավառական քաղաքի մեկ տարվա գորշության և ծանծուրթի մեջ լույս ծագեց, երբ համակարգի մեջ ապրող Ալեքս Ալլեն անունով երիտասարդը հետաքրքրվեց Եվայով: Բարձրահասակ ամերիկացի էր: Եվան սիրահարվեց նրան ծարավ սրտի անմնացորդ փափագով... Նվաղեց սիրուց: Բարձրահասակ տղան կտրեց օվկիանոսն իր Եվային տեսնելու համար:

Հանդիպումը կայացավ:

-Դու լավն ես ու բարի,- ասաց Ալեքսը:

Ամուսնացան: Ալեքսը իր կնոջը տարավ Ամերիկա, Բալթիմոր քաղաք, որտեղ ուներ ծնողներ և հայրական տուն:

Ամերիկացին ապշել էր: Մի՞թե քաղաքակրթության այս դարում ապրող կինը կարող է լինել կատարյալ մաքուր ու անփորձ: Չմայած սա առանձնապես կարևոր չէր: Ալեքսը բարությունն էր կարևորում՝ իբրև ամենամախրճմտրելի առաքինություն, իսկ կինը բարության մարմնացում էր: Երիտասարդ զույգ... Նրանք երջանիկ էին:

Ալեքս Ալլենի տոհմը մինչև յոթը պորտ կաթոլիկներ էին, բայց նա որոշեց այցելել Տիբեթի վանականներին, ցանկացավ միստիկ ճշմարտություններ, որոնք կբացահայտեին երևութական աշխարհի իրական դեմքը՝ տիեզերական խաղաղություն պարզելով: Ծնողների մոտ՝ Բալթիմոր քաղաքում թողեց երիտասարդ կնոջը: Հայտնի չէ, թե քանի շաբաթ տևեց նրա «սուրբ առանձնությունը», բայց մի ժամանակ անց կնոջը գրեց, որ Տիբեթի լեռներում հանդիպել է արտասովոր մի աղջկա:

«Երբ քողարկում է մարմինը սրբիչով,- գրում էր Ալեքսը,- Դրախտի պարտեզն են հիշում, որովհետև այս կինը Եվայի կատարյալ գեղեցկությունով է օժտված: Չեմ կողմնորոշվում, ո՞ր մեկիդ են սիրում առավել. քե՞զ, թե՞ նրան»:

Անցան օրեր, և ամուսինը վերադարձավ: Եվան ներք Ալեքսին, փայփայեց ու սիրեց առաջվա պես:

Մեծն Բուդդայի հազարամյա ուսնահեղքերը Ալեքս Ալլենին մի քանի ամիս անց տարան Լաոս: Այս անգամ չէր երկմտում, «ազնիվ էր»: Կնոջը անհապաղ տեղեկացրեց, որ մինչև ակամջների ծայրը սիրահարվել է ոմն լաոսուհու, որ կամուսնանա նրա հետ ամենայն հավանականությամբ:

«Դու ազատ ես,- գրում էր Ալեքսը,- կարող ես շարունակել կյանքդ այլ տղամարդու հետ, կամ ինչպես ուզում ես»:

Տիբեցին Ալեքսի ծնողները, չէին ցանկանում բաժանվել Եվայից: «Օտար» աղջիկը, ախր, նման չէր այլոց: Առավոտ կանուխ զնուն էր սուպերմարկետ աշխատանքի, ցերեկը օգնում էր սկեսուր-սկեսրարին և մինչև ուշ գիշեր համալսարան ընդունվելու համար դասեր սերտում:

Եվան սրտի դառնությամբ ու տառապանքով վճարեց ամուսնական մի քանի քաղցր գիշերների դիմաց: «Հավերժական սեր գոյություն չունի,- մտածում էր Եվան,- ստույն են գրքերում գրված պատմությունները, որովհետև կյանքը այլ բան է ապացուցում»:

Նա հայտնվել էր անձամոք, հսկայածավալ ամայության մեջ՝ մեծ-մեծակ: Աշխարհի բոլոր տիպությունները բուն էին դրել շվար սրտում:

Գեղեցիկ ապագայի հույսը և հաջողության գրավականը կրկին այցելեցին Եվային, երբ սուպերմարկետում պատահաբար ծանոթացավ բարձրահասակ, արդեն որբորդ սերնդով Ամերիկայում արմատակալած Ադամ Ադամյանի հետ: Տղամարդը մեծ էր տարիքով, հայրաբար ժպտաց նրան ու ասաց.

-Դու լավն ես և խելացի...

Թե ինչ չափով էր ինքը խելացի՝ չգիտեր, բայց որ տղամարդն իրոք շատ խելացի էր՝ կասկած չկար: Երեկոյան նստում էր Ադամի ծնկներին, իսկ վերջինս հայրաբար պատասխանում էր փոքրամարմին կնոջ ամենատարբեր հարցերին, որ լեզվի, կրթության, օրենքների մասին էին... Ադամի խորհուրդները, մութության խորքից ճառագող լույսի պես, ուղեկցեցին նրան հետագա կյանքի ընթացքում: Չմայած մեծ >8

ԸՆԹԻԱԹ ...

➤7 խելքին և հարվարդյան կրթությանը, տղամարդն ամբողջ օրը տանն էր, պարապ-սարապ: Հավանաբար նրա կյանքում կատարվել էր անուղղելի մի բան:

Եվան նրբամկատ էր, չէր «փորփրում» տղամարդու սիրտը ավելորդ հարցերով: Այնինչ Ադամը հետաքրքրասեր էր, Եվայից արմատախիլ էր անում ամենատարբեր նրբություններ, որոնք կնոջ անլիարժեքությանն էին առնչվում:

Եվան աշխատում էր օրնիքում, ժրաջան մեղվի պես, զուգահեռ սովորում էր Բժշկական համալսարանում, բայց չէր տրտնջում երբեք: Օրը սկսում էին միասին, բարձրանում էին սարն ի վեր, երբ լուսաբացը դեռ նոր էր արթնանում գագաթնամերձ անտառակում: Ապա զալխ էր հերթական երեկոն, և կինն իր խոնջացած մարմնով հավում էր տղամարդու խոշոր մարմնին՝ ազատագրվելով միայնության անհասարուռ զգացողությունից: Այսքանը... Որևէ այլ բան կինը չէր ցանկանում:

Եվ հենց այն օրը, երբ Բժշկական համալսարանն ավարտել էր գերազանց վկայականով և տուն մտավ լիառատ ուրախությամբ, չգտավ նրան... Սեղանին հակիրճ երկտող կար. «Սիրելիս, հիմա իմ հեռանալու ամենաճիշտ ժամանակն է, հուսով եմ՝ ինձ ճիշտ կհասկանաս»: Եվան երկար սպասեց հոգեմտերիմին, բայց այդպես էլ չիմացավ, թե ո՞ր տարան Ադամին չբարձրաձայնված մտքերն և սրտի ոլորուն ծանապարհները:

...Արդեն քսանմեկերորդ դարն է: Տատիկը չկա: Եվան ամեն ինչ կտար, որպեսզի նորից լսեր նրա փնթփնթոցը: Նա տատիկին կբացատրեր, որ «այժ քոռացնելը» զուր չէր: Քանզի «անճոռնի ճուտիկը» մեծ հաջողության հասավ: Հաջողություն, որ շատ քչերին է տրվում: Նա կատարելության է հասցնում հոլիվուդյան աստղերի հոլիվուդյան ժպիտներն իր ատամնաբուժարանում: Իսկ տղամարդ հաճախորդներից շատերն են տենչում նրա ժպիտին այնպես, ինչպես հին հեքիաթում փեսացուները «արքայադստեր» բարեհաճությանը:

Եթե տատիկը կենդանի լիներ, Եվան գաղտնիք կշնչար նրա ականջին: Միայն նրան կասեր. «Ամենաճիշտը հայրենի քաղաքում մնալն է, լրթի տղաներից մեկի հետ զույգվելն ու երեխաներ ունենալը»: Այդպես եղել էր ցեղի անցյալում, այդպես էլ պիտի լիներ թերևս... Չէ՞ որ ծնողները նախընտրել էին աստվածաշնչյան Եվա անունը, որ նշանակում է՝ կենդանություն՝ կյանք սկզբնավորելու իմաստով: Բայց հանգամանքներն ու վերին միջամտությունը երբեմն այլ ուղիներ են մատնանշում: Եվան կին էր այլ ճակատագրով: Բայց նաև գիտեր, իր կյանքի փորձով գիտեր, որ տխուր, շատ տխուր է, երբ կինն իր փխրուն ուսերի վրա մեծ ծանրություն է վերցնում: Աշխարհի ամենամեծ տխրությունն է, երբ կինն ուժեղ է դառնում:

Աշխատանքից հետո «արքայադուստրը» փակվում է քաղաքից դուրս գտնվող իր առանձնատանը: Նա հաճախ գնում է իրեն հսկայական հայելու մեջ, հարցական մայում նրբագեղ, ամծանոթ կնոջը, որ մանկության թրթռ ունի աչքերում: Կինը երեկվա աղջնակն է այս թրթռի մեջ, սակայն մեկ այլ, անծանոթ դեմք է հայելու հսկա արտացոլանքում: «Արքայադուստրը» փորձում է մոռանալ օրվա գերլարված անդրադարձները, որոնք սկսվել են շատ հեռվից՝ խոնորեղեն թխելու կորսված ընթացքից, ու վերածվել դժվարին դարձնողների, «անհաղթահարելի» քննությունների, բերել հասցրել են իրեն օտարված, դատարկ մի տեղ, որտեղից փչում են անծկության քամիները:



Հայաստանից հեռու...

➤6 Ուշագրավ է այն փաստը, որ դպրոցում օտարազգի ծնողների խնդրանքով գործում էր «օտարազգի մայրիկների» խումբ, որտեղ հիմնականում ուսուցանվում էր խոսակցական հայերեն լեզու և հայ ժողովրդի ու մշակույթի ծեսերն ու ավանդույթները: Դպրոցում գործում էր մշակութային տարբեր խմբակներ, դասավանդում էին հայոց լեզու, պատմություն, աշխարհագրություն:

Միջոցառումներից մեկի ժամանակ մեծ հայրենասեր Աննա Օսեփյանն ասել է. «Համոզված եմ, որ ստեղծված իրավիճակում միայն հայրենասերները կօգնեն դիմակայելու գաղափարական բոլոր արհավիրքներին, որոշեցինք սկսել ինտելեկտուալ դիմադրական շարժում, որպեսզի, ըստ կարելիության, պայքարենք մեր ինքնության պահպանման համար: Մեր համեստ հնարավորություններով կաշխատենք օգնել հարստացնելու ձեր իմացությունը Հայկական բարձրակարգի, հայոց պատմաաշխարհագրության, մշակութային ժառանգության, ավանդույթների, հատկապես մեր անզուգական մայրենի լեզվի և ազգային այլ արժեքների վերաբերյալ, ծանոթացնելու հայ երևելի անհատների կյանքին ու գործունեությանը... Մենք ընտրել ենք ժողովուրդ ենք և առաքելություն ունենք...»:

Չխախտելով իր սկզբունքները և անզամ արդեն հեռու լինելով Օրենբուրգից՝ Աննա Օսեփյանը աջակցեց

երիտասարդ հայուհի Անի Մկրտչյանին, ուն անսահման սերն ու կարոտը դեպի հայրենիքը ստիպեցին հիմնել հայկական մշակույթի ակադեմիա, որն անվանեց «Արմատ 56»: Այստեղ երեխաները սովորում են գրել - կարդալ հայերեն, նշում են բոլոր հայկական և եկեղեցական տոները ուսուցիչների և ծնողների հետ միասին: Թատերական բեմադրությունների միջոցով սովորում և տեսնում են մեր ավանդույթները: Ակադեմիա հաճախում են նաև երեխաներ, ովքեր երբևէ չեն եղել Հայաստանում և ոչ մի պատկերացում չունեն

նրա մասին: Այստեղ ուսուցչուհու համար առաջանում է ևս մեկ խնդիր-նպատակ՝ երեխային ծանոթացնել Հայաստանին, այնպես անել, որ նա կարողանա սիրել իր հայրենիքը: Ակադեմիայի տնօրենությունը հետաքրքիր միջոց է մտածել՝ երեխաներին ծանոթացնել նաև մեր հայկական համեղ խոհանոցին: Ամիսը մեկ անգամ ուսուցիչները պատրաստում են մեկ ուտեստ, որը ճաշակում են երեխաները և հայտնում իրենց կարծիքը:

Օրենբուրգի մարզում ապրում են շուրջ 126 ազգի ներկայացուցիչներ, և այդ իսկ պատճառով շատ հաճախ կազմակերպվում են բազմաթիվ փառատոներ ու միջոցառումներ, որտեղ վերջիններս ներկայացնում են իրենց մշակույթն ու խոհանոցը: Եվ պետք է հպարտությամբ նշել, որ հայերը միշտ ներկայանում են լավագույնս՝ գրավելով առաջին հորիզոնականները. նրանց շարքում են նաև «Արմատ 56» ակադեմիայի սաները:

Ակադեմիայի տնօրեն Անի Մկրտչյանը մի առիթով ասել է. «Հայաստանից հեռու, բայց մտքերով միշտ այնտեղ՝ Օրենբուրգի հայերը և հատկապես «Արմատ 56» ակադեմիայի ողջ անձնակազմը, երեխաներն ու ծնողները ամուր կապված են իրենց արմատներին: Առիթը երբեք բաց չենք թողնում ամենուր հպարտությամբ շեշտելու մեր հայ լինելը:

Եվ ուրեմն, հարգելով ուրիշների պատմությունն ու ավանդույթները, իմանալով մեր անցյալը, պահենք մեր ազգային արժեքները, խոսենք հայերեն և հայի անկտորում ոգով գնանք առաջ»:

Անի ՄԿՐՏՉՅԱՆ
ՈՂ, ք. Օրենբուրգ



ԽԱՉԱՏՈՒՐ ԱՐՈՎՅԱՆԻ ԱՆՎԱՆ ՀԱՅՎԱԿԱՆ ՊԵՏԱԿԱՆ ՄԱՆԿԱՎԱՐԺԱԿԱՆ ՀԱՄԱԼՍԱՐԱՆԸ ՀԱՅՏԱՐԱՐՈՒՄ Է

2023-2024 ուսումնական տարվա ասպիրանտուրայի հեռակա ընդունելություն
1. Մանկավարժության տեսություն և պատմություն - ԺՊ.00.01 (1 տեղ)
2. Սոցիալական հոգեբանություն - ԺՊ.00.03 (1 տեղ)
Դիմորդները ներկայացնում են հետևյալ փաստաթղթերը.
1. Ասպիրանտուրա ընդունվելու համար տրվում է դիմում հաստատության ղեկավարի անունով՝ կցելով հետևյալ փաստաթղթերը՝
1) բակալավրի և մագիստրոսի կամ դիպլոմավորված մասնագետի կամ օրդինատորի դիպլոմի ու դրանց հավելվածների պատճենները (օտարերկրյա պետություններում բարձրագույն կրթություն ստացածների համար՝ փաստաթուղթ նրանց կրթության համարժեքության մասին),
2) օտար լեզվի ատեստավորման վկայականը կամ դրան համապատասխան տեղեկանքը (սահմանված ներքին շեմով՝ բալային գնահատմամբ),
3) ընտրված մասնագիտությամբ հրատարակված առնվազն մեկ գիտական աշխատանքի պատճենը կամ գիտական

ռեֆերատ՝ առնվազն 20 տպագրական էջի սահմաններում,
4) անձնագրի և սոցիալական քարտի պատճենները,
5) ինքնակենսագրություն և երեք լուսանկար (3x4 չափսի),
6) քաղվածք աշխատանքային գրքուկից (առկայության դեպքում):
2. Ստորև նշված օտար լեզուներից որևէ մեկից ստացած անհրաժեշտ նվազագույն միավոր է համարվում՝
1) անգլերենից՝ «TOEFL» (iBT) (այբիթի)՝ 46 և «IELTS» (ԱՅԼԹՍ)՝ 5.5 միավորը,
2) ֆրանսերենից՝ «TCF» (ԹԻՍԻԷՖ)՝ 200 միավորը,
3) գերմաներենից՝ «on DaF» (օն ԴաՖ)՝ 60 միավորը:
Փաստաթղթերն ընդունվում են ս.թ. օգոստոսի 22-ից մինչև սեպտեմբերի 07-ը (ներառյալ):
Ընդունելության մասնագիտական քննությունները կազմակերպվում են ս.թ. սեպտեմբերի 11-ից 14-ը (ներառյալ):
Տեղեկությունների համար դիմել հետևյալ հասցեով՝ Երևան, Տիգրան Մեծի 17, 2-րդ հարկ, Գիտահետազոտական կենտրոն, հեռ.՝ 59-70-29: